

﴿إِنَّ هَذَا الْقُرْآنَ يَهْدِي لِلْأَيِّ هِيَ أَقْوَمُ وَيُبَشِّرُ الْمُؤْمِنِينَ الَّذِينَ يَعْمَلُونَ الصَّالِحَاتِ أَنَّ لَهُمْ أَجْرًا كَبِيرًا﴾

Dhugumatti, Qur'aanni kuni wanta hundarra qajeeltu taatetti nama qajeelcha. Warroota amananii hojii gageaarii hojjatan, mindaan guddaan akka isaanii jiru ni gammachiisa.

Indeed, this Qur'an guides to that which is most suitable and gives good tidings to the believers who do righteous deeds that they will have a great reward.

Suuratu Al-Israa 17:9 www.sammubani.com

Tafsiira Suuratu Al-Ankabuut-Kutaa 1.1

Description

Warra dukkana keessaa gara ifaatti, dhiphinna keessaa gara balâ€™innaatti, dhamaâ€™iinsa keessaa gara qajeelinnaatti bahuu barbaadaniif Qurâ€™aanni furmaata hundarra caaludha (best solution). Kunoo, suuratu Al-Ankabuut boqonna ajaaâ€™ibaa dhugaa jireenyaa namatti himtuudha. Yeroo qormaataa fi rakkoo iimaanni kee akkami? Kaayyoon namoota qoruu maalidhaa? Namni dhugaa fi kijibaan yoom addaan baafamaa? Gaafilee kanniiniif deebii yoo barbaadde deebii quubsaa siif kennaa na qoâ€™adhu jetti suuratu Al-Ankabuut.

﴿بِسْمِ اللَّهِ الرَّحْمَنِ الرَّحِيمِ﴾

Maqaa Rabbii Ar-Rahmaan Ar-Rahiim taâ€™teen [jalqaba]

﴿الْم أَحْسِبَ النَّاسُ أَنْ يُتْرَكُوا أَنْ يَقُولُوا ءَامَنَّا وَهُمْ لَا يُفْتَنُونَ ۚ وَلَقَدْ فَتَنَّا الَّذِينَ مِنْ قَبْلِهِمْ فَلَيَعْلَمَنَّ اللَّهُ الَّذِينَ صَدَقُوا وَلَيَعْلَمَنَّ الْكَاذِبِينَ﴾

â€œAliif Laam Miim. Sila namoonni â€˜Amanneâ€™™ jechuu qofaan osoo hin qoramiin dhiifamu yaadu? Dhugumatti, warra isaanin duraas qorree jirra. Dhugumatti Rabbiin warra dhugaa beekuf jira, sobdootas beekuf jira.â€• Suuratu Al-Ankabuut 29:1-3

â€œSila namoonni â€˜Amanneâ€™™ jechuu qofaan osoo hin qoramiin dhiifamu yaadu?â€• Kana jechuun sila namoonni amanne waan jedhaniif osoo hin qoramin waan dhiifaman isaanitti fakkaataa? [\[1\]](#)

Dhugumatti namni jireenya addunyaa marsaa qormaataa taate tana keessatti wanta jibbuun ykn wanta isa gammachisuun yeroo hundaa qormaataaf kan saaxilamuudha. Kanaafu, Rabbitti, Ergamaa Isaatti fi kitaabban Isaatti amanuu yommuu labsuu fitnaa (qormaata) irraa akka of eegee godhee akka hin yaanne.


Dubbii isaatiin iimaana labsuu isaa keessatti takkaa saadiqa (dhugaa) taâ€™TMuu dandaâ€™TMa, takkaa immoo kijibaa taâ€™TMuu dandaâ€™TMa. **Wanti dhugaa isaa ifatti baasu wanta inni jibbuun isa qoruudha.** Yoo inni ajrii (mindaa) guddaa Rabbii oltaâ€™TMaa biratti abdachuun obsee, obsi isaa ragaa iimaana labsuu keessatti dhugaa taâ€™TMuu isaa agarsiisuudha. Hammi obsaa inni qabu hamma iimaanaa inni qabu agarsiisa. Yoo hin obsin, inumaa dallane, nyakkise, wanti isatti buâ€™TMee iimaana labsuu isaatiin walitti akka hin galle yaade, gara karaa kufrii fi kaafirootatti dabuu jalqabe, kuni hundi arrabaan iimaana labsuu isaa keessatti kijibaa akka taâ€™TMe agarsiisa.

Rabbiin azza wa jalla qomaata keessatti arrabaan iimaana labsuun qofti gahaa akka hin taane aayah tana keessatti ifa godhe. Murtii Isaatiif garaa guutuun harka kennuu waliin Rabbiin irraa jaallachuun, wanta jibban irratti obsuu fi mindaa guddaa Isa biratti abdachuun waan hafu hin qabneedha.

â€™Dhugumatti, warra isaanin duraas qorree jirra.â€™ Kana jechuun dhugumatti ummattota darban irraa namoota â€™Nutu amanneâ€™ jedhan qorree fi mokkorre jirra. Wanta jibbaniin isaan qorree. Iimaana isaanii labsuun isaanii wanta jibbaniin qoramu irraa isaan hin eegne. Ummattoota darban kanniin keessaa nabii Nuuh aleyh salaam fi namoota isa waliin amanan, Huud, Saalih, Ibraahim, Luux, Shuâ€™TMayb, Muusaa hunda isaanii irrattu nageenyi haa jiraatu fi muâ€™TMmintoota isaan waliin turan. [2]

Fakkeenyaaf, Nabii Ibraahim ibiddatti darbamuun, ilma isaa akka gorraâ€™TMu ajajamuun ni qorame. Hiikni aayaata armaan olii: Rabbiin gabroota Isaa amanan hamma iimaana isaaniitiin isaan qoruun waan hin hafneedha. Akkuma Hadiisa keessatti dhufe: **â€™Namoota hunda caalaa qormaanni kan itti cimu Nabiyyoota, ergasii saalihoota. Ergasii hundarra gaarii kan taâ€™TMe, itti aane gaarii kan taâ€™TMeedha. Namni hamma amanti isaatiin qorama. Amantidhaan cimaa yoo taâ€™TMe, qormaanni isaa cimaa taâ€™TMa.â€™** [Jaamiâ€™TMu At-Tirmizi 2398](#)

â€™Dhugumatti Rabbiin warra dhugaa beekuf jira, sobdootas beekuf jira.â€™ Rabbiin subhaanahu wa taâ€™TMaalaa namoota qoruun dura, yeroo qormaataa fi qormaata booda wanta qalbii isaanii keessa jiru ni beeka. Garuu hiikni aayah armaan olii: isaan qoruun nama dhugaan â€™Rabbitti amanneâ€™ jedhe ifatti baasa. [3] Nama sobaas ifa baasa. Namoonni hundu arrabaan Rabbitti amanne jechuu dandaâ€™TMu. Garuu yommuu balaa fi rakkoon buâ€™TMu, namni dhugaan amane iimaana irratti gadi dhaabbata. Namni sobaa immoo iimaana irraa duubatti deebiâ€™TMa. Kanaafu, dhugaan nama saniiti fi sobni nama kanaa ifatti bahee jechuudha. Fakkeenyaaf, namni sababa Islaama qabachuu isaatiif reebamu, arrabfamu ykn hidhamu dandaâ€™TMa. Namni rakkoo isa qunname kanaaf obsee fi Islaama qabachuu isaa itti fufe, iimaanni isaa qalbii keessatti hidda qabachuu fi dhugummaan isaa ifatti baha. Namni rakkoo kana sodaachun Islaama irraa duubatti deebiâ€™TMe immoo iimaanni qalbii keessatti hidda akka hin qabanne agarsiisa. Sobni isaas ifatti baha. â€™Ani amaneâ€™ jedhee dubbachuun isaa soba akka taâ€™TMe ni beekkama.



•**!Sila warri hamtuu hojjatan Nu jalaa bahuu yaaduu? Wanti isaan murteessan waa fokkate!**•
Suuratu Al-Ankabuut 29:4

Kana jechuun namoonni Iimaana keessa hin seennee [fi badii hojjatan], qormaata kana jalaa nagaha waan bahan isaanitti hin fakkaatin. Dhugumatti, qormaata kana caalaa adabbii garmalee cimaa taTMetu isaan duuba jira. Kanaafi ni jedhe, •**!Sila warri hamtuu hojjatan Nu jalaa bahuu yaaduu?**• Kana jechuun namoonni hojii badaa dalagan waan Nu jalaa miliqan isaanitti fakkaataa? •Wanti isaan murteessan waa fokkate!• Kana jechuun wanti isaan yaadan waa fokkate![\[4\]](#)

Aayata lamaan jalqabaati fi aayata tana yommuu wal qabsiisnu hiika kana ni hubanna:sababa Islaama qabataniif qormaanni namarra gahuu baayTMeen gama kaafirootaa irraan namatti dhufa. Kaafironni Islaama irraa namoota duubatti deebisuuf isaan ni rakkisuu, ni adabu, ni dararu. Yeroo kanatti, namni dararaa fi rakkoon kuni kaafirota irraa yommuu isarra gahu, •Kaafironni kafaranii osoo jiranu, akkamitti akka nu adabanii fi rakkisan Rabbiin isaan dhiisaa?• jedhee yaadun isaa hin oolu. Kaafironnis yakka hojjatan kana adabbii Rabbii jalaa bahuu akka dandaTManitti yaadu. Kanaafu, Rabbiin subhaanahu yaada sobaa kana haaquf, Muslimoota jajjabeessuu fi kaafirota akeekachisuuf, •**!Sila warri hamtuu hojjatan Nu jalaa bahuu yaaduu? Wanti isaan murteessan waa fokkate!**• jechuun beeksisa.

Aayan tuni kaafirota qofaaf osoo hin taTMin nama badii hojjatu hunda akeekachiisti. Kaafirri Rabbii oltaTMaa jalaa bahu hin dandaTMu. Muslimni badii hojjatus Isa jalaa bahu hin dandaTMu. Namni •Rabbiin na hin adabu, na hin qabu• jechuun badii hojjachu itti fufuu, yaada fokkuu yaade jira.



•**Namni qunnamti Rabbii kajeelu, dhugumatti beellamni Rabbii dhufaadha. Inni Dhagayaa, Beekadha.**• Suuratu Al-Ankabuut 29:5

Kana jechuun namni ganda Aakhiraatti Rabbiin akka qunnamu abdatee fi mindaa bareedaa Rabbiin bira jiru kajelee, beellamni Rabbiin mindaa fi adabbiif namoota kaasuf murteesse ni dhufa.[\[5\]](#)

Yaa nama Rabbii isaa jaallatu, Isatti dhiyaachuu fi Isa qunnamuuf dharraTMu, Isa gammachisuuf fiigu! Yeroo jaallatamaan itti wal qunnamtu dhiyoo taTMuun gammadi. Dhugumatti, yeroon kuni ni dhufa. Wanti ni dhufa jedhame hundi dhiyoodha. Kanaafu, kajeellaa waliini fi Isa bira gahuu abdachuun Isa qunnamuuf siinqi (galaa) qopheeffadhu, gara Isaatti imali. Garuu wanti namni odeesse hundi oduu isaa qofaan isaaf hin kennamu. Akkasumas, namni hawwu hundi wanti hawwee [hawwii isaatiin qofa] isaaf hin kennamu. Rabbiin sagalee Kan dhagayuudha, niyyaa namaa Kan beekudha. Namni kana (Rabbiin qunnamu fi mindaa Isaa kajeelu) keessatti dhugaa taTMe, wanta inni abdate isaaf kenna. Namni kijibaa

taâ€™e immoo oduun isaa homaa isa hin fayyadu. Inni nama jaalala Isaatiif maluu fi hin malle ni beeka. [6]

Marsaan jireenya addunyaa marsaa qormataa fi fitnaa waan taatef, ammas namoonni bakka lamatti waan qoodamaniif: **warra kasaaranâ€™** kunniin warra qunnamti Rabbii hin abdanne, fedhii qullaa ofii, sheyxaanaa fi dharraa addunyaa hordofan,

warra buâ€™aa buufatan-isaan kuni warra Rabbiin wal qunnamu abdataniidha. Adeemsa isaanii keessatti karaa Rabbii qajeelaa qabachuuf qabsaaâ€™u. Kanaafu, dubbii ibsuu keessatti hikmaa (ogummaa) irraa waaâ€™ee warra dhugaan amananii fi jireenya isaanii keessatti jaalala Gooftaa isaanii barbaadun qabsaaâ€™an ilaalchise dubbachuudha. Rabbiin oltaâ€™aan ni jedha:

وَمَنْ جَاهَدَ فَإِنَّمَا يُجَاهِدُ لِنَفْسِهِ إِنَّ اللَّهَ لَغَنِيٌّ عَنِ الْعَالَمِينَ

•Namni qabsaaâ€™e kan inni qabsaaâ€™u lubbuma isaatiifi. Dhugumatti Rabbiin aalama hundarraa Dureessa.â€• Suuratu Al-Ankabuut 29:6

Kana jechuun namni humna guddaa isa bira jiru Rabbiif ajajamuu fi wanta Isa gammachisuu hojjachuu keessatti baase, kan inni qabsaaâ€™uuf fooyyaâ€™insaa fi faayda nafsee ofii qofaafi. Ibaadaa fi qabsoo isaatiin Rabbiif faayda homaatu hin dhiyeessu. Sababni isaas, Rabbiin aalama hundarraa dureessa.

Dureessa- jechuun of gahaa Isaan ala wanta biraa kan hin barbaannedha. Aalama jechuun immoo Rabbiin ala wantoota jiran hunda. Aalamni namoota hunda ykn namaa fi jinni ibsuufis itti fayyadaman.

[7] Qabsoon (jihaanni) bakka lamatti qoodama:

1ffaa-Qabsoo lolaaâ€™ kuni diinotatti qabsaaâ€™udha. (Qabsoo kana irraa buâ€™aa buufachuu fi mindaa (ajrii) irratti argachuuf Rabbiif jedhanii yoo qabsaaâ€™anii fi haala Inni ajajeen yoo taâ€™e qofaadha.)

2ffaaâ€™Qabsoo nafsee-kunis wanta itti ajajaman hojjachuu fi wanta irraa dhoowwaman dhiisu irratti nafsee ofiitti qabsaaâ€™udha. [8] Itti aansee mindaa warra haala kanaan qabsaaâ€™anii dubbata:

وَالَّذِينَ ءَامَنُوا وَعَمِلُوا الصَّالِحَاتِ لَنُكَفِّرَنَّ عَنْهُمْ سَيِّئَاتِهِمْ
وَلَنَجْزِيَنَّهُمْ أَحْسَنَ الَّذِي كَانُوا يَعْمَلُونَ

Warra amananii fi hojii gaggaarii hojjatan, badii isaanii isaan irraa ni haaqna. Dhugumatti irra gaarii waan isaan dalagaa turanii isaan mindeessina.â€• Suuratu Al-Ankabuut 29:7

Kana jechuun warroonni Rabbii fi Ergamaa Isaa dhugoomsanii fi hojii gaggaarii hojjatan, badii isaanii isaan irraa haxoofna. Hojii isaanii gaggaariif wanta hojjataa turan caalaa mindaa isaaniif kennina. [9]

Kunis hojii gaarii takkatti hojjataniif mindaa dachaa kudhanii hanga dhibba torbaa fi san caalu argatu. Garuu hojiin hojii gaarii jedhamuuf: ikhlaasaa fi shariâ€™aa hordofuun kan hojjatame yoo taâ€™eedha. Ikhlaasan yommuu jennu hojii keetin Fuula Rabbiiti fi ganda Aakhirah niyyachuudha. Shariâ€™aa hordofuun immoo akkaataa Nabiyyiin (Sallallahu aleyh wassallam) hojjataniitti hojjachuudha. Faallaan

ikhlaasa shirkiidha. Faallaa shari'aa hordofuu immoo bid'aa aadha. Kanaafu, mushrikaa fi nama bid'aa hojjatu ta'uu hin qabdu.[\[10\]](#)

Kitaabban wabii:

- [\[1\]](#) Tafiiru Xabarii-18/356, Tafiir Tahriir wa tanwiir-20/203
- [\[2\]](#) Ma'ariju Tafakkuri wa daqaa'iqu Tadabburi-15/221-222
- [\[3\]](#) Tafiir Xabarii-18/357, Zaaal Masiir-1076
- [\[4\]](#) Tafiir Ibn Kasiir-6/47
- [\[5\]](#) Tafiir Xabarii-18/361, madda olii[\[6\]](#) Tafiir As-Sa'dii-735[\[7\]](#) Ma'ariju Tafakkuri wa daqaa'iqu Tadabburi-15/224-225
- [\[8\]](#) Tafiir Qur'aaniil Kariim-Suuratu Al-Ankabuut, fuula 26, Ibn Useymiin
- [\[9\]](#) Tafiir Muyassar-397
- [\[10\]](#) Tafiir Qur'aaniil Kariim-Suuratu Al-Ankabuut, fuula 29, Ibn Useymiin

Date Created

July 15, 2020

Author

admin